



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 40. Frater Martinus Polonus.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Secul. XIII.

A.C. 1279.

Rayn. 1280.

n. 8.

Ladislaus moniti rationem aliquam videtur habuisse. Certe legimus eum anno sequente suam Budense Concilium dissipantis noxam agnovisse, & hujus compensandæ gratia Legato pauperum nomine stipulanti centum argenti sellarum proventum annum decrevisse quo domus hospitalis in regno suo condenda sustentaretur. Litteras dabat 11 Augusti an. 1280, simulque alias, quibus accepit universas constitutiones a Sede apostolica contra hæreticos editas, quasque in regno eas observari iussit. At denique Legatum Philippum pepulit: qui in Poloniam delatus honorifice ibi exceptus fuit.

Rayn. n. 10.

§. XL.

Frater Martinus Polonus.

Staravol/c.

p. 29.

Echard.

sum. S. Tho.

p. 603. 604.

Vacantem per sex annos Archiepiscopatum Gnesnensem an. 1278 Papa Nicolaus Fratri Martino Polono contulit. Erat ex Ordine Prædicatorum pontificii sacelli ac expiationum Præfectus a tempore Clementis IV; easdemque functiones sub ejus successoribus exercebat. Igitur in Gnesnensem Archiepiscopum a Nicolao III consecratus se viæ commisit, ut rediret in Poloniam quo vocatus ab Optimatibus regni fuerat. Sed Bononiæ extinctum Fratrem Prædicatorum

Prædicatores suo in templo terræ man-
 darunt. Famam sibi peperit per scripta
 sua, quorum tria sunt genera; 1. Con-
 ciones multæ; 2. Amplissima tabula De-
 cretum Gratiani & omnes materias or-
 dine alphabetico continens, quæ Decre-
 ti margarita vocatur. 3. Chronica, quæ
 sunt opus illius celeberrimum. Ait se
 hæc scripsisse potissimum pro Theologis
 & Jurisconsultis, eo quod eorum inter-
 sit nosse tempora Paparum & Imperato-
 rum. Et vero tota ejus chronica his
 duabus partibus constant: ab uno latere
 sunt Papæ a Christo JEsu primo novæ
 legis Pontifice usque ad Clementem IV:
 altera in pagina sunt Imperatores ab
 Augusto usque ad Fridericum II cum an-
 nis in margine. In præfatione dicit Car-
 dinales apud Papam esse instar triplicis
 hierarchiæ Angelorum Christo in coelis
 servantium. Numerat Cardinales quin-
 quaginta & unum, in iis Episcopos se-
 ptem, Presbyteros viginti octo, ac sex-
 decim Diaconos, singulorum titulos &
 functiones recensens. Nominat au-
 thores, e quibus sua chronica compo-
 suit, & inter ultimos Richardum mona-
 chum Cluniacensem, ac Vincentium Bel-
 lovacensem ponit. Fecit deinde alte-
 ram operis editionem, in qua ei addidit
 Papas sequentes usque ad Nicolaum III,
 cujus initium duntaxat memorat. Ab

Sæcul. XIII.
 A.C. 1279.

B20v-1278.

n. 32.

Echard.

p. 606.

Echard.

p. 616.

Sæcul. XIII
A. C. 1279.
Echard.
p. 601.

exordio libri refert quasdam fabulas suo tempore currentes: at in melioribus exemplis seu apographis non legitur illa de Joanne Papissa, quam ei plures scriptores hodierni tribuunt. Erant, qui Martinum Polonum confunderent cum quodam Consentino in Italia Archiepiscopo, qui pariter chronica confecit; sed cujus nomen ignoratur.

Rayn.
1279. n. 43.

Post Martini Poloni obitum Collegium Gnesnense in Archiepiscopum cooptavit Vostliberium ejusdem Ecclesie Canonicum: & a Legato Philippo Episcopo Firmiensi etiamnum inter Hungaros agente per nuncium petiit electi confirmationem, mandatumque, quod ad eum ibi consecrandum spectaret. Sed Legatus magni momenti negotiis in Hungaria detentus rem ad Papam transtulit, ut eam prompte absolveret, orans: & Collegium Gnesnense suas adjunxit preces, ut Papa electo iter Romam faciendum condonaret, Ecclesie Gnesnensis inopiam & pericula viarum respiciens. Papa Legato præcepit, ut Vostliberium, si rite electum compererit, confirmaret, curaretque inaugurandum convocatis vicinis Episcopis. Scribebat 23 Dec. an. 1279. At Lesco Niger Cracoviae ac Siradiæ Dux impediit, ne mandatum perficeretur.

Vading.
to. 2. reg.
p. 153.

Long. l. 7.
p. 818.

Papæ diploma de electionibus.

Interim Papa, ut longæ Ecclesiarum vacationis effectus molestos tolleret, ^{c. Cupientes.} ^{16. de elect.} constitutionem fecit in hanc sententiam. ^{in sexto.}
 Omnes electi ad Ecclesiam, cujus suffragiorum confirmatio a Sede apostolica proxime pendet, intra mensis spatium post cognitam sui electionem in viam se dabunt Romam versus, elapsoque tempore pro distantia locorum ad iter suum necessario intra dies viginti cum omnibus actis suum ad jus pertinentibus ipsi coram nobis comparebunt: alioquin omni jure, quod eis electio dederit, exutos declarabimus. Et quo melius edoceamur de suffragiis, collegium sumptibus sedis vacuæ intra idem temporis spatium duos ex electoribus mittet: alioquin excludetur a persecutione causæ, & a beneficiorum suorum fructibus per triennium abstinere jubebitur. Hæc sunt, quæ mihi præcipua videntur in hac sanctione data 13 Decembris an. 1279. Longa & obscura est ob multitudinem exceptionum, conditionumque restrictarum, quibus scatet pro stylo seculi omnes casus singulares prævidere, cunctasque lites prævenire cupientis: id quod dabat occasionem formandi novas. ^{Con. v. 2. Gloss.}